


Nos Monumentonan

E cas dr. Eloy Arends



cas dr. Eloy Arends, año 1925

Teksto: Monumentenbureau Aruba
Potretnan blanco cu preto: Archivo Historico Nacional
Potretnan color: Johnny Zimmerman



cas dr. Eloy Arends, año 2002

E cas dr. Eloy Arends ta un di e casnan residencial Caribeño di mas bunita di Oranjestad y e ta situa na Wilhelminastraat 9. E cas aki a wordo construi di q.e.p.d. Señor Jacobo Eloy Maria (Loy) Arends (19 April 1893 – 22 Januari 1960), medico Arubiano, cu despues di su estudio na Amsterdam, a bira docter gubernamental y docter di cas riba nos isla.

A la vez e tabata e promer Arubiano cu a wordo nombra como miembro di 'Raad van Advies'. E cas dr. Eloy Arends ta situa riba un parcela di 1545 m² y e ta un ehemplo tipico di un 'herenhuis'.

E miembronan di famia Arends tabata biba desde e segundo mitar di siglo 18 riba Aruba y nan tabata pertenece, como negociantenan exitoso, na e 'elite' di e isla.

Dr. J.E.M. Arends tabata casa cu Maria Monica Laclé (4 mei 1900 – 11 April 1956). E tabata e yiu muher di Adriaan Laclé, na cual Adriaan Laclé Boulevard a wordo nombra. Na año 1922, durante di e periodo cu nan tabata verloof, nan a cuminsa cu e construccion di e cas aki, cual a wordo termina na año 1925. E temponan ey e tabata tradicion na Aruba cu e ser masculino mester construi un cas completo, promer cu e por drenta enlace matrimonial cu su enamorada. Monica, su futuro esposa, no tabata tin mag di wak e cas, asina ta nan a tahe pa pasa den e vecindario di e cas. E ruman muhernan di dr. Arends a meubla henter e cas durante cu e pareha tabata disfrutando di nan luna di miel. Na nan yegada bek na Aruba, Monica por a mira su

cas pa promer biaha. E cas e tempo ey tabata fungi como un lugar caminda hopi actividad social a wordo organiza pa e famianan 'elite' di Aruba. Fuera di sirbi como un residencia, e cas tabata fungi tambe como un clinica y un botica.

Na año 1960 e cas dr. Eloy Arends a bay den man di e yiu homber dr. Jesus Eloy Maria Arends, despues cu dr. J.E.M. Arends a fayece. Aki den e yiu homber a establece su clinica di dentista y su laboratorio. E cas aki, fuera di a fungi como e residencia Arends, tambe a wordo 'verhuurt' na Oriental Restaurant y despues di esey e'la yega di fungi como e centro electoral di e partido M.E.P. Na año 1986 Jesus Eloy Maria Arends a bende e cas na e gobierno



Awor aki e cas dr. Eloy Arends ta wordo usa como e Stadhuis di Aruba y tur e parehanan cu kier drenta enlace matrimonial civil, ta cana subi e mesun trapi cu e pareha Arends a subi na aña 1925 hunto pa promer biaha, pa asina por cuminsa disfruta di nan eterno luna di miel...

Nos ta gradici Sra. Yvonne Webb di Monumentenbureau Aruba y Sr. Henk Hoof di Archivo Historico Nacional pa nan gentil cooperacion.



dr. Eloy Arends, su casa Monica y nan yiunan

di Aruba, door cu e mantenimiento di e edificio a bira mucho costoso. E'la haci un convenio cu gobierno e tempo ey cu e cas lo wordo restaura den futuro. E cas a keda bashi pa algun aña y su estado a deteriora rapidamente. Despues di un candela e edificio aki a wordo usa door di diferente individuonan cu no tin cas, te cu e proceso di restauracion a cuminsa na aña 1997.



All Painting Materials to Complete your Job

Brushes, Paint Rolls, Wide Variety of Paints



For All Your Painting Needs

Fergusonstraat 7 • Oranjestad • Phone 824040
Cura Cabai 143 • San Nicolas • Phone 846162